

20-50

特19  
44

室中三物秘辨

260

734



室中三物秘辨

三 休 庵


淨  
龍 3.4  
內交

夫嗣書血脉等所書祖師之名字西天祖者梵語東土皆漢字也有書馬  
樹等之名恐是後人之筆誤乎傳聞永平高祖之嗣書馬鳴書阿那菩底勃  
勃地龍樹書那伽刺樹那勃陀勃地又婆須密多無多字二祖書慧可勃陀  
勃地又圓相中釋迦牟尼佛無佛字又釋迦牟尼字有三寶印矣如淨勃陀勃  
地與新道元有三寶印又下段如淨之二字有三寶印俱三寶印三處皆方押  
焉又下段第二行道元二字有天童諱印第四行華押上重押天童號印又新  
道元無勃陀勃地圓相之祖號永平御自筆而新道元三字天童真蹟也祖號  
圓相經緯一尺四分也地絹梅華飛紋之綾也堅者長六尺二寸橫幅一尺二  
寸餘祖號圓相上白地長二尺六寸五分圓相與下段中間白地二寸八分下



段以下白地一尺二寸八分下段文字際堅九寸五分橫八寸五分皆金尺也  
 堅十七折橫四折也十七折頂上合印囉之字也此字未考焉

祖號圓相之圖



(下段)

佛祖命脈證契

即通道元即通

大宋寶慶丁亥

住天童如淨

朱引自然圓相無稜角下段四行共  
 如淨禪師自筆後代兒孫宜準習焉

傳法式文云洒水樣子有之

口傳曰圓伊三點水萬物尖新也伊字三點水者灌資頂四恩三有之義也灌  
 頂水事出于華嚴經洒水樣子者佛祖傳來灌頂水常在師家頂上得資授法  
 時最初先取其頂上水移洒水器中三反次灌資頂三反次灌四恩三有各三  
 反以此法寶功德報護法神國王父母等之恩普利潤三界衆生也華嚴第三  
 十九十地品云如轉輪聖王所生太子母是正后身相具足其轉輪王令此太  
 子坐白象妙金之座張大綱幔建大幢幡然香散華奏諸音樂取四大海水置  
 金瓶內王執此瓶灌太子頂是時即名受王職位墮在灌頂刹利王數即能具  
 足行十善道亦得爲名轉輪聖王菩薩受職亦復如是諸佛智水灌其頂名爲  
 受職具足如來十種力故墮在佛數佛子是名菩薩受大智職

豎繼橫繼口傳有之

口傳云橫亘十方豎極三際也豎者曰過現未三際橫者曰十方世界所謂十



方三際佛衆生乃至現前師資本來一面一體嗣法既畢今也行橫繼豎繼儀規者以教資知其本嗣之血脈不斷是曰口傳矣豎繼資坐具在下九拜師在上受拜是階級橫繼師坐具下資坐具上師資并拜表不階級也

伊字三點水者翻譯名義集云外國有新舊兩伊橫豎斷絕相離橫如烈火豎如點水各不相離不橫不同烈不豎不同點水是新伊相舊伊可譬昔經三德法身本有般若修成入無餘已方是解脫無身智如豎點水縱而相離又約身約智得有餘解脫有三法如烈火名一爲三三而一也舊。新。俗。い。字也

### 嬰兒行有口傳

口傳曰無心無心徹底無心者此段嗣法面授既畢師資一體恩儀全定粵以盡未來際師者住慈愍之心如父母之愛子資者不違孝順之義如嬰兒之向父母無吾我心所謂膝行等儀規夫如是師口授之曰口傳矣  
取袈裟角返掛資左肩上者蓋覆兒孫之義而摩頂者慈悲衷愍之至極也

### 二頭祥鷄點火燭口傳

口傳者譬如祥鷄雌雄暗夜不迷自然知時令入知天曉法門師資傳法救迷情之義如此口傳也

### 拈秘書有口傳

口傳曰上代則授參同契寶鏡三昧顯訣令資知祖道奧義中古以來顯圓相圖名之大事教資易解焉所以宣參大事圖明二書道理悟大事因緣作人天師如此口傳也

唱歷代佛祖之尊號有口傳者傳法以後每晚室中看經不可懈焉初讀參同契寶鏡三昧次誦大悲咒回向七佛列祖本師尊號酬法乳之恩此時本師名字三反唱之是口傳也

### 大事

大事圖說云夫諸佛出世唯以一大事因緣出現於世一大事因緣者欲令衆



生開佛知見也三世諸佛得之轉法輪度群生歷代祖師到此建法幢立宗旨以此顯一大事參圖示諸佛本懷為知識之印證也佛知見者石頭大師上堂曰吾之法門先佛傳受不論禪定精進唯達佛之知見云云

此大事圖形全顯參同契等之奧義則入室傳法之師先須參圖究書知傳法本意必矣否則假令三物相承如生盲持寶鏡矣

○ 圖說云此圖明初發心時便成正覺位云云言從上佛祖最初悟生佛不二之道而後修心智之義也

○ 此黑圖者生佛不二同一佛性大道形段也  
此朱圖者三界諸法顯現之相也所謂靈源妙皎潔枝派暗流注之義也

卍此逆卍字者捨緣逆出修自己心智相譬如釋尊初出王城逆父母恩義捨世入山修心智雖同一佛性非修不能得也

○ 圖說云此圖明果滿圓成畢竟涅槃云云

○ 如前同一佛性源支一如之相也

● 生佛不二萬行成就果滿圓成依舊同一佛性譬如佛成道畢曰奇哉奇哉一切衆生無不具有如來智慧德相又曰一佛成道觀見法界有情非情同時成道諸佛亦同也

☺ 圖說云船上掛三鼓示法報應三身云云

○ 如前雖同一佛性而衆生不覺永沈苦域佛祖愍之回心赴于化他發心修行菩提涅槃暫無間隙如釋迦牟尼佛成道下山應機接物也

此二圖之下書七佛示例者也

○ 空寂光淨土唯心淨土久遠釋迦圖說云此圖者明諸佛出世必有所依之土云云

○ 此圖如前同一佛性而空之字者圓相之形段也寂光淨土者諸佛各各化城也唯心淨土者淨法身土也言則十方諸佛千萬化城皆唯心淨土而



化報釋迦即久遠如來三身即一之相也

第一句鐵  
漢在此

圖說云佛不住涅槃往還

生死應機接物也夫第一圖之逆卐字者逆世行自心求實智之義也今此順卐字者既得實智畢廣生權智順世順緣永住生死教化有情至于無量劫其誓願不變名謂鐵漢古云學道須是鐵漢又卐字中紅心者不住常樂涅槃生死爲園林生死爲遊戲場永劫接物利生心而已譬如佛欲救苦海沈淪五百年塵點劫慈悲護念心盡大地一寸土無非佛心光之所覆蓋是名一大事因緣佛佛祖祖究竟位也圖說云此曰第一句初發心至究竟覺是皆實智所爲也又云諸佛不住極果出現於世度生說法我宗向上之向上也又云烏紗巾上猶有天在今日傳法師資其行願雖不及古而所帶之法則諸佛法而不異易一系毫可貴希思焉或問血脈頂上圓相與嗣書圓相大異如何曰俱是一圓相而其相之別者以圓相有多般也瀉仰下有九十七箇圓相洞上有五位圓相所謂血脈頂上之圓相明凡聖同一佛性戒稍易解而嗣書大事圓相者有

無量妙義就中嗣書圓相之屈曲宛轉非小見劣智所知譬如永平高祖昔日見育王壁上畫龍樹圓月相如一枚餅子師莞然而問一山無悉知者想夫五百年前猶如此況於今日耶

### 血脈

夫血脈者記此戒相傳之祖號名曰之血脈又戒脈戒者解古今防非止惡而已非爾也當知血脈紙背上同一佛性全體現成了所以者何先有頂上一圓相次書釋迦牟尼佛暨迦葉阿難六十餘祖乃至現在師或信士信女名字次第排列有一紅線出於頂上圓相貫佛祖六十餘師信士信女之中心一貫貫通來其紅線又出於信士信女之脚下還歸入佛頂上一圓相然則信士信女之脚下與佛祖頂上之圓相同一體無始無終而所謂心佛及衆生是三無差別具眼底一見早可知落處相傳今之血脈者高祖永平之製作也嗣書太白相承未詳其始如大事則圖參始終立旨同正法眼藏之提唱願不限顯參同



契與義所製乎然則嗣書大事血脈其實則一體三名如法報應三身似周鼎  
三足佛祖位中不可缺一唯有吾宗而他家之所無所以三物無輕重不可以  
小見浪重一輕一一當恭敬供養頂戴奉重者也

### 跋

客問葉縣省禪師云宗師血脈或凡或聖龍樹馬鳴天堂地獄鑊湯爐炭牛頭  
獄卒森羅萬像日月星辰他方此土以手畫一畫云俱入此宗又永平祖師云  
過去諸佛釋迦牟尼佛弟子也又曰佛祖出興十方皆大瀉之遠孫也若依恁  
麼說或凡或聖乃至有情非常各々入此宗本來嗣法既畢何煩用面授三物  
等耶答曰三十年前有邪師起恁麼邪見可謂斷見外道也此輩一向不知嗣  
法面授三物等儀云何者也夫如葉縣之示衆則本來同法同道同佛同性有  
情同時成道而空却以前嗣法了畢血脈不斷者也實通達這裏者曰之見性  
悟道名之佛祖稱之證契雖然實未證契悟道而獨自稱證契悟達師資共誤

相傳異見至于未來際則佛祖正傳之正法永劫失墮邪師邪法流行遇于時  
耳假令修禪誦經徒爲名利度世之助者譬如毘陀佛滅後陀摩尸利王時爾  
此故不就于明師訂其證契悟達之邪正則自他不覺依邪師嗣邪法永劫墮  
邪道流傳邪界終則爲國家被驅逐如今喜利支丹粵以往古製作嗣書血脈  
大事之圖參等教資實參實證而後師資直面直授者齷々不學之禪師未夢  
知者也永平高祖入宋紕五家嗣書之邪正辨龍樹圓月相之善惡載于正法  
眼藏貽乎子孫者畢竟計正法久住思子孫之不墮邪法大慈大悲之家訓而  
舉宗忌嫌正法眼藏信大慧高峰等之語錄耳不知嗣書血脈大事等室內之  
秘參宜哉愚哉何況於一反消災呪中有大事圖參之圓相日日行履矣所謂  
面授三物者俱一圓相也以此一圓相自上佛如來五十餘代至于今日之現  
在師一々名字宛轉圓相中無始無終名之嗣書皆有口傳秘訣血脈大事亦  
復如是假令雖入室傳法之禪師非不學者所明知雖非不學者所明知而所



帶之法與從上佛祖糸毫不移易唯可尊重亦當慚愧不學不知若蓋覆不學不知詐謂廣學大知者增上慢之罪人也且道葉縣畫一畫嗣書大事之圓相之圖其本體有什麼形段若人詣得其形段不形段其形段難稱證契即通何況過去諸佛為釋迦牟尼佛弟子十方佛祖為大瀉遠孫哉嗚呼恢哉客唯唯默去

于時明和戊子孟秋以客答為跋加焉

現寶積萬仞杜多道坦叟敬記

### 教授戒文

夫諸佛大戒者諸佛之所護持也有佛佛相授有祖祖相傳受戒超越於三際證契聯綿於古今我大師釋迦牟尼佛陀付授摩訶迦葉迦葉付授阿難乃至如是嫡々相授已世到和尙今將付授慎報佛祖深恩永為人天眼目蓋是嗣續佛祖之慧命者也仰憑佛祖證明應當歸戒懺悔各各至誠隨語傳唱

我昔所造諸惡業

皆由無始貧瞋癡

從身口意之所生

一切我今皆懺悔三唱

既依佛祖證明淨除身口意業得大清淨是則懺悔力也次應歸依佛法僧三寶有三種功德所謂一體三寶現前三寶住持三寶也稱阿耨多羅三藐三菩提為佛寶清淨離塵乃法寶和合功德是僧寶也是名一體三寶現前證菩提名佛寶佛所證是法寶學佛法乃僧寶也是名現前三寶化天上化人間或現虛空或現塵中乃佛寶或轉海藏或轉具葉化物化生是法寶度一切苦脫三界宅乃僧寶也是名住持三寶歸依佛法僧時稱得諸佛大戒稱佛為師不師餘道

### 三聚戒

攝律儀戒

諸佛法律所窟宅也諸佛法律所根源也

攝善法戒

三藐三菩提法能行所行道也



攝衆生戒

超凡越聖度自度他也是名三聚戒

十四

十重禁戒

第一不殺生

生命不殺佛種增長可續佛慧命莫殺生命也

第二不偷盜

心境如如而解脫門開也

第三不貪嫉

三輪清淨無所希望諸佛同道者也

第四不妄語

法輪本轉無剩無欠甘露一潤得實得真也

第五不酤酒

未將來莫教侵正是大明也

第六不說過

於佛法中同道同法同證同行也莫教說過莫令亂道

第七不自讚毀他

乃佛乃祖證盡空證大地或現大身空無中外或現法

身地無寸土

第八不慳法財

一偈一句萬象百草一法一證諸佛諸祖也從來曾不

惜

九不瞋恚

非退非進非實非虛有光明雲蓋有莊嚴雲蓋

第十不謗三寶

現身演法世間津梁德歸薩般若海不可稱量頂戴奉

行也

此十六條佛戒大概如是依法隨教或禮受或拜受我今引請

達磨大師戒文云 受者傳 傳者是覺 即覺佛心 名真受戒

自性靈妙於常住法中生斷滅見名爲不殺生戒自性靈妙於不可得法中不

生可得念名爲不偷盜戒

自性靈妙於無着法中不生愛着見名爲不嫉欲戒

自性靈妙於不可說法中不說一字名爲不妄語戒

自性靈妙於本來清淨法中不生無明名爲不飲酒戒

自性靈妙於無過患法中不說罪過名爲不說四衆罪過戒

自性靈妙於平等法中不說自他名爲不自讚毀他戒

十五



自性靈妙於真如周遍法中不生一相慳執名爲不慳貪戒  
自性靈妙於無我法中不計實我名爲不瞋恚戒  
自性靈妙於一如法中不起生佛二見名爲不謗三寶戒

明治四十三年二月二十五日印刷

明治四十三年二月二十七日發行

無價珍寶

東京市芝區西久保廣町拾番地

編纂者 一 喝 社

代表者 久 內 大 賢

印刷人 笹 川 欽 藏

東京市本所區番場町四番地

印刷所 凸版印刷株式會社分工場

發行所

東京市芝區西久保廣町拾番地  
振替貯金口座東京三三五番

一 喝 社



不許  
複製



019489-000-0

特19-44

室中三物秘辨

道担（三休庵）／著

M43.2

ABG-0214

